

28357

地180  
39

76587

甘肅全省新通志

卷捌拾肆

甘肅新通志卷之八十四

甘州府

元阿兒思蘭免古妻忽都的斤張掖人至順二年旌表

郝榮妻李閏張掖人至順二年旌表

岳忽南妻失林張掖人至順三年旌表

明肅州衛儒生吳福妻房氏甘州衛軍房信女年二十夫亡守節終身成化中旌表

百戶高宣妻汪氏甘州人年二十夫亡撫孤明成立守節五十年卒成化中旌表

百戶楊鎮妻吳氏甘州右衛人年二十七夫亡翁年七十子浩甫二歲撫育成立襲廕每以廉慎忠勇訓飭之浩有小過輒不食浩泣悔方解由是居官有冰蘖聲氏守節終身正德中旌表

甘肅新通志

卷八十四

人物志 列女九

一

守備毛濬妻魯氏甘州人正德間中官用事謂莊浪都督魯鑑女姿善可納爲嬪時氏先已適濬上未之知也命太監趙璘來迎氏聞之輒引刀欲自刎其婢覺救之得不死以艾薰灼其面抱忿成疾竟卒後巡按劉紳巡撫陳九疇張鵬俱移文祭之

舍餘陳道妻石氏山丹衛人年二十八夫亡家極貧難誓不改嫁力撫孤延祀一女未週歲目盲不許筭字與同寢處三十五年以終鄉里稱歎守節五十七年

李附鳳妻鍾氏甘州人嘉靖三十六年火寇入西川氏在村與婦女三四人爲寇所驅氏盛年有色知不免辱乃行近大河乘間投急流死

監生鄒魯妻王氏甘州人年二十夫亡翁姑令再醮氏弗聽翁姑竟納聘金氏投井死

生員游樞妻楊氏甘州人夫病氏侍湯藥不少懈及亡痛哭氣絕  
次日自縊柩傍事聞詔旌其門

指揮史尙敬妻馬氏山丹人年二十餘夫亡孝奉衰姑撫孤成立  
守節終身

吳氏張掖人事蹟莫攷有坊久圯相傳爲節婦吳氏坊云

軍丁王彥妻李氏甘州人彥奉調東征泣不忍別氏勸以努力王  
事勿以妾爲念夫不聽氏先一日自縊死巡按以聞旌其門曰貞  
烈

遊擊萬恒妻孫氏甘州人闖賊陷城恒被執不屈死氏年方二十  
守節五十餘年卒

柴希遠妻張氏甘州人闖賊陷城氏手執刀潛伏門旁伺賊入連  
斫數人突圍投火死

甘肅新通志

卷八十四

人物志

列女九

二

生員樊愛人妻岳氏甘州人年十八城陷夫被執脫回尋氏及幼  
女不見於煨燼中見骨骸甚夥內有氏衣襟半幅方知妻女死於  
火中

指揮胡用賢妻楊氏甘州人城陷投火死

生員齊養質妻王氏甘州人城陷投火死

董嗣孟妻姚氏甘州人城陷投火死

祁士英妻董氏甘州人城陷及二子俱投火死

馬獻圖妻孔氏甘州人城陷合家六口俱投火死

指揮張秀妻李氏甘州人城陷被執罵賊見殺

馬騰錦妻武氏甘州人城陷抱一女攜一子見夫被殺投火死

知縣段自宏妻朱氏甘州人城陷被賊執罵不絕口遂遇害妾楊  
氏王氏俱投纒死

生員楊丕裕妻李氏甘州人城陷被執罵賊不屈見殺

馬醫生妻呂氏甘州人城陷被執罵賊見殺

生員馮克都妻段氏甘州人城陷賊入室氏手執廚刀猛斫賊首  
中傷遂自刎

郭洪妻武氏甘州人城陷夫婦被執牽挽不忍釋賊殺其夫氏罵  
不絕口賊怒碎其屍

生員閔師舜妻雷氏甘州人賊入城自刎死

薛登科妻段氏甘州人城陷被執罵賊不屈見殺

李文實妻錢氏甘州人城陷被執見殺

總兵羅俊傑妻趙氏甘州人賊入城同夫投縋死

總兵王汝金妻柳氏甘州人賊入城自縊死

總兵趙宦妻楊氏甘州人賊入城自縊死

甘肅新通志

卷八十四

人物志 列女九

三

守備李洪遠妻郝氏甘州人崇禎十七年闖賊抵湟洪遠率所部  
土兵守城城陷奔山莊集兵爲恢復計賊率兵卒圍之屠其山莊  
洪遠與氏同被執氏不屈厲聲罵賊夫婦被殺鄉人表其門曰忠  
臣烈婦

生員康萬秋妻段氏甘州人賊入城同夫及三女俱縊死

羅俊士妻楊氏甘州人賊入城自縊死

劉禧妻聞氏甘州人賊入城同媳自縊死

生員黃階妻龔氏甘州人城陷自縊死

任光啟妻朱氏甘州人夫被賊殺氏自縊死

百戶談文德妻趙氏甘州人文德請咨赴部賊入城氏及二女閉  
戶投縋同死

生員李啟明妻黃氏甘州人賊入城執不屈被殺

生員蔣明理妻王氏甘州人城陷自縊姑王氏見氏死亦投井死  
生員羅俊彥妻楊氏甘州人守節二十三年城陷投井死

鄒裔儒妻任氏甘州人有姿色賊入城投於井賊從井救出撫慰  
之氏怒罵甚厲終不肯屈賊斷其臂仍推於井投瓦石擊死

生員張篤忠妻任氏甘州人賊入城篤忠被執氏挾幼子投井死  
武宦妻王氏甘州人城陷投井死

陳良策母孫氏甘州人賊入城投井死  
趙國正妻王氏國祥妻任氏甘州人俱守節多年城陷共飲藥死

副將歐陽袞妻某氏張掖人袞陣亡氏投火自焚死  
李天俞妻王氏妾匡氏甘州人崇禎癸未夫被賊執兩氏同登險

處投崖死  
車氏遺其名甘州人年十七夫亡守節聞賊過峽口遂投井死

甘肅新通志 卷八十四 人物志 列女九 四

石氏甘州人河南南陽府同知鄭我完之母我完既之官妻王氏  
奉姑家居明末闖賊圍甘州將陷氏預戒家人積薪中庭及城陷

攜王氏及一孫女入積薪中趣命縱火並自焚死越十日發視之  
姑媳遍體焦灼猶相牽挽女稍遠顛髮卷曲顏面如生時年十一

趙濟賢勒石記事曰一門三烈  
貢士周士宏妻陳氏山丹人城陷自刎死

生員韓勳妻吳氏山丹人城陷投縊死  
指揮劉鵬妻朱氏甘州右衛人夫亡絕粒七日泣血而死

國朝韓烈女小字桂姐張掖人四川重慶總兵韓成女年十四字濟南  
參將孫進禮次子兆麟康熙三十三年兆麟病歿女聞訃自縊死

時年十九雍正六年 旌表  
韃靼國女酋長之女雍正元年冬布隆吉之役我師大捷獲女有

色時標下百夫長馬姓回族也請於帥許之女見鬚有剪痕問左右以回族對女大恚曰回我國奴可辱我乎拔刀自刎比百夫長至血染旃裘矣拔貢朱純題以詩云金比心堅玉比姿窮廬也自擇門楣生甯忍辱聽獅吼死尙留名愛豹皮陋爾黑番盤鴿種聯他青塚雪霜枝模糊碧血旃裘滿颯颯英風壯月氏

楊運泰妻牟氏張掖人年二十二夫亡撫孤進福成立入監守節四十餘年卒雍正十年 旌表

姚巍妻楊氏張掖人年十八夫亡孝奉孀姑撫遺腹子土新成立守節終身

李鳳印妻李氏張掖人年二十夫歿於江南旅次生遺腹子撫養成立其姑權氏亦青年守節李氏奉侍克盡婦道守節三十餘年卒

尉遲犒助母高氏張掖人年二十夫亡撫孤成立後子亡撫遺孫

甘肅新通志

卷八十四

人物志

列女九

五

守節五十三年卒

生員保璜妻張氏張掖人年二十餘夫亡截耳自殘示無二志守節終身

客民秦忠龍妻曹氏夫亡自縊柩旁

孟文達妻劉氏張掖人夫亡撫孤宗賢成立後宗賢又早亡媳劉氏奉孀姑撫三子姑守節四十餘年卒媳哀痛幾絕艱辛備歷守節終身

花君美妻陳氏張掖人年二十夫亡撫孤成立守節四十餘年卒

王國珍妻段氏張掖人年二十三夫亡撫孤成立守節五十餘年卒

樊某妻王氏張掖人年十九夫亡撫孤成立入庠俄流寇戕知人又倚夫姪以盡天年

鮑禹門妻師氏張掖人年二十七夫亡撫孤甲成立後甲又亡媳趙氏年十八奉孀姑撫遺孤姑媳均守節終身

張某妻蒲氏張掖人年十七夫亡撫孤問達成立入庠守節終身劉某妻蕭氏張掖人年十九夫亡撫孤秉裕成立守節終身

李運華妻呂氏張掖人年二十七夫亡撫孤成立守節四十年卒郭暄妻段氏張掖人年二十三夫亡無子孝奉翁姑守節四十四年卒

陳宏猷妻李氏張掖人年二十七夫歿於戍役撫二子成立入伍守節三十餘年卒後二子相繼亡里人惜之

監生聶謙妻張氏張掖人年二十七夫亡家貧紡績撫孤漢佐成立雍正丙午舉於鄉官四川大竹縣知縣守節三十七年卒

監生聶鴻儒妻茹氏張掖人年二十五夫亡撫孤建寅成立後建

甘肅新通志

卷八十四

人物志 列女九

六

寅又早亡媳劉氏年十九奉孀姑撫遺孤升成立入庠姑守節四十一年卒媳守節二十七年卒

廩生郝子良妻楊氏張掖人年二十六夫亡撫二孤成立次子道遵入庠食餼守節三十餘年卒

馮國臣妻李氏張掖人年二十五夫亡撫孤玠成立入庠守節終身

王桂妻唐氏張掖人年二十九夫亡家貧紡績撫孤覲士成立入庠食餼守節三十二年卒

已 旌孝子監生姚廉妻李氏張掖人廉以廬墓病歿氏年二十六撫孤成立守節三十九年卒

生員陶緒堯妻高氏張掖人年二十一夫亡撫孤得峻成立入庠食餼守節三十七年卒

監生陳珊妻李氏張掖人年二十九夫亡撫孤維穀成立入武庠  
守節四十四年卒

監生朱文秀妻程氏張掖人夫亡撫孤延春延慶成立延春食餼  
於庠延慶增生守節二十九年卒

生員趙攀龍妻康氏廩生攀麟妻李氏張掖人康年二十六夫亡  
撫孤珍和成立入武庠李年二十五夫亡撫孤美和成立入庠康  
守節二十九年卒李守節二十二年卒

茹珍妻吳氏張掖人年二十六夫亡撫孤芝桂成立芝桂早亡媳  
陳氏年二十九奉孀姑撫孤灝成立灝又早亡媳孔氏年二十七  
奉孀姑撫遺孤吳守節三十八年卒陳守節四十四年卒孔守節  
三十二年卒

王佐妻汪氏張掖人夫亡撫孤成立守節五十餘年卒孫聘詔俱

甘肅新通志

卷八十四

人物志 列女九

七

入庠

杜樸妻張氏張掖人年二十二夫亡撫孤成立守節三十二年卒  
宋宏謙妻楊氏張掖人年二十五夫亡家貧紡績撫孤朝炳成立  
守節四十二年卒

增生宋宏業妻任氏宏典妻汪氏張掖人任年二十八夫亡孝奉  
翁姑撫孤希濂希洛俱立成希濂中雍正乙卯武舉希洛中乾隆  
甲子武舉孫六人入文學者四中武舉者二汪年二十六夫亡撫  
孤希灝成立任守節四十一年卒汪守節四十三年卒  
楊增榮妻馬氏張掖人年二十三夫亡撫孤滋成立守節三十五  
年卒

陳惟聖妻王氏張掖人年二十夫亡撫孤廉成立入庠食餼守節  
五十八年卒

雷顯妻張氏張掖人年二十八夫亡撫孤振域成立後振域早亡  
媳陳氏年二十七奉孀姑撫遺孤世榮成立世榮又早亡媳馬氏  
亦青年矢志張守節四十二年卒陳守節三十一年卒馬守節二  
十三年卒

監生張九鳴妻長氏張掖人年二十五夫亡撫孤化麟成立守節  
四十年卒

朱希曾妻劉氏張掖人年二十一夫亡孝奉翁姑撫遺腹子法祖  
成立守節三十三年卒

武生傅巖舉妻馬氏張掖人年十九夫亡撫孤翼鵬成立守節三  
十一年卒

生員楊學詩妻馮氏張掖人年二十八夫亡撫孤緒成立入庠守  
節三十一年卒

甘肅新通志

卷八十四

人物志 列女九

八

馬兵李朝棟妻王氏張掖人年二十九夫亡撫孤灝成立守節三  
十七年卒

王化政妻汪氏張掖人年二十六夫亡撫孤湯成立入庠守節二  
十六年卒

武生段汝標妻高氏張掖人雍正六年汝標入伍隨征西路陣亡  
於鏡兒泉氏年二十四無子撫夫姪演爲嗣孝奉翁姑後嗣子亡  
又撫夫姪孫體仁爲嗣守節五十年卒

高亨妻劉氏張掖人年三十夫亡撫孤繼會成立入庠守節三十  
年卒

陸天福妻張氏張掖人年二十四夫亡撫孤成立守節六十年卒  
馬兵崔秀妻劉氏張掖人乾隆二十年秀派赴巴里坤出征氏獨  
居有同營兵丁李廷秀窺氏少艾借銀圖姦氏死拒之被刀斫身

死二十二年 旌表

謝書妻邢氏張掖人年二十夫亡撫孤運昌成立守節三十四年卒

王夢魁妻張氏張掖人年三十夫亡撫孤俊吉永吉成立守節三十年卒

傅雲翼妻翟氏張掖人年二十四夫亡撫孤柄成立守節二十八年卒

王貞女張掖人年十六字李某未歸壻故翁姑在堂女匍匐奔喪笄之主內政孝奉翁姑守貞終身

康濟妻王氏張掖人咸豐九年濟奉派往新疆喀什屯田至境數年病亡氏年二十六撫孤成立守節終身已蒙 旌表

劉樹桂妻吳氏張掖人年二十三夫亡孝奉翁姑撫孤成立守節  
甘肅新通志 卷八十四 人物志 列女九 九

四十餘年卒

張史策妻化氏張掖人年二十九夫亡撫二孤成立守節三十餘年卒

張儒林妻張氏張掖人年二十八夫亡孝奉翁姑撫孤成立守節終身

張管妻左氏張掖人年二十一夫亡孝奉孀姑撫孤長發成立入庠守節終身

李儒林妻牛氏張掖人年二十六夫亡孝奉翁姑撫孤成立守節四十餘年卒

馮永興妻張氏張掖人夫亡撫孤成立守節終身

虎某妻劉氏張掖人早年夫亡撫孤成立後子亡又撫遺孫颺聲入庠守節四十餘年卒

劉鑑妻王氏張掖人鑑入伍派征四川陣亡氏年二十撫孤成立守節五十二年卒

楊沛妻陳氏張掖人年二十六夫亡撫孤成立守節終身

王肇域妻武氏張掖人年二十三夫亡撫孤成立守節終身

郭某妻邢氏張掖人年二十八夫亡撫孤正興成立守節終身

馮萬盛妻陶氏張掖人萬盛入伍從征陣亡氏年二十二撫孤成立守節四十八年卒

常某妻王氏張掖人夫亡撫孤成立孫又生孫親見四世同堂

關鈞妻楊氏張掖人年二十八夫亡撫孤賓國成立守節終身

汪海源妻張氏張掖人年二十九夫亡撫孤生貴成立守節終身

王吉慶繼妻崔氏張掖人年三十夫亡撫遺孫兆龍兆旌成立守節四十五年卒

甘肅新通志

卷八十四

人物志

列女九

十

張積德妻溫氏張掖人年二十六夫亡撫孤鴻齡鴻旺鴻發成立守節終身

盛朝清妻馬氏張掖人年二十夫亡撫孤鳴翔鳴鳳鳴鶴俱成立

鳴鶴入庠守節終身

陶氏遺其夫名張掖人年二十五夫亡撫孤成立守節終身

張賓賢妻張氏張掖人年三十夫亡撫孤成立守節二十八年卒

張榮妻安氏張掖人年二十三夫亡撫孤成立守節三十三年卒

郭傳妻喬氏張掖人年二十八夫亡撫孤殿賢殿臣殿元殿科俱

成立守節終身已蒙 旌表

吏員劉必選妻蘇氏張掖人夫亡奉姑撫孤守節終身

生員劉恆妻范氏張掖人夫亡無子撫夫姪爲嗣守節三十三年

卒

鄧毓珠妻馮氏張掖人年二十四夫亡撫孤成立守節終身已蒙旌表

武某妻曹氏張掖人夫亡守節已蒙旌表

石某妻孔氏張掖人夫亡守節已蒙旌表

生員王廷彝妻鄧氏張掖人年二十四夫亡撫孤成立守節終身

桂馨妻王氏張掖人年十九夫亡撫孤成立守節六十三年卒

王良彌妻張氏張掖人年十八夫亡家貧藉鍼紵孝奉孀姑撫二

孤成立守節五十四年卒孫振鵬由庠生以功保縣丞

馮某妻李氏張掖人年二十夫亡貧無所依挈孤琳居夫族兄家織紵自活撫琳成立苦節四十年卒

舉人詹應捷妻王氏張掖人年二十餘夫亡矢志撫孤皆成立守節四十餘年卒蒙旌表建坊

甘肅新通志

卷八十四

人物志 列女九

七

守備曹渤妻劉氏張掖人年二十餘夫亡撫孤祥春發春俱成立祥春官千總守節四十年卒

都司崔恆妻陳氏張掖人年二十九夫亡撫孤文瀚文澍皆成立艱苦備嘗守節三十年卒

監生段韻詩妻陳氏張掖人年二十四夫亡撫孤毓蘭毓芭皆成立毓芭入庠守節三十餘年已蒙旌表

楊積勳妻高氏張掖人年二十五夫亡撫孤永年成立守節終身賈登虎妻魏氏張掖人年二十八夫亡撫孤福積成立守節終身

魏均德妻管氏均禮妻劉氏張掖人管年二十八夫亡撫孤經文成立入武庠劉年二十九夫亡撫孤成立亦入庠均守節終身

武生趙登魁妻朱氏張掖人年二十九夫亡撫孤萬年成立守節終

身

生員魏毓文妻子氏張掖人年二十九夫亡撫孤殿英成立守節終身

王秀妻張氏張掖人年二十五夫亡撫孤嘉賓成立守節終身

劉尙勤妻陳氏張掖人年三十夫亡撫孤善卿成立入庠守節終身

任生魁妻王氏張掖人年三十夫亡撫孤壽年成立入武庠守節終身

張立滿妻趙氏張掖人年二十七夫亡撫孤柏林成立守節終身

田膏田妻孫氏張掖人年二十六夫亡撫孤視郡成立入庠守節終身

朱日升妻田氏張掖人年二十夫亡撫孤安平成立守節終身

甘肅新通志

卷八十四

人物志 列女九

三

貢生馮甲妻金氏張掖人年二十二夫亡撫孤尙儒成立守節終身

趙玉妻秦氏張掖人年二十五夫亡撫孤德國成立入庠守節終身

生員李應科妻姚氏張掖人年二十五夫亡撫孤秀成立入武庠守節終身

孟鵠鳴母張氏張掖人逆回攻陷其村氏攜二媳樊氏雷氏舉火自焚賊去子檢其屍見二媳環立姑側焉

于學勤妻任氏張掖人年二十九夫亡撫孤治成立守節終身

田九通妻史氏張掖人年三十夫亡撫孤克紹成立守節終身

田生榮妻褚氏張掖人年二十二夫亡撫孤發有成立守節終身

管鳴韶妻周氏張掖人年二十八夫亡撫孤振綱成立守節終身

趙禮妻趙氏張掖人年二十二夫亡撫孤大賢成立守節終身  
生員張希賢妻張氏妾郭氏張掖人希賢亡時張年三十一無子  
郭年三十一子永亨甫四齡同撫成立入庠以承父志均守節終  
身

史祥妻周氏張掖人年二十五夫亡撫孤萬舉成立守節終身

石田妻賈氏張掖人年十九夫亡撫孤成立守節終身

王某妻王氏張掖人年三十夫亡撫孤天福成立守節終身

成祚妻石氏張掖人年二十四夫亡撫孤成立守節四十五年卒

馬占魁妻王氏張掖人占魁因力學病亡氏視殮後投井死

郭長庚妻劉氏張掖人年三十夫亡撫三子成立守節終身

龍九經妻熊氏張掖人九經出征關外陣亡氏年二十七撫孤成  
立守節終身已蒙 旌表

甘肅新通志

卷八十四

人物志 列女九

三

鄭名儒妻王氏張掖人年二十夫亡撫孤廷選成立守節終身

石光吉妻姚氏張掖人年十九夫亡撫孤培校成立守節終身

郭光治妻張氏張掖人年二十八夫亡撫孤槐入庠守節終身

李學妻高氏張掖人年二十五夫亡撫孤珍成立守節終身

于發妻馮氏張掖人年三十夫亡撫孤積昌成立守節終身

田生發妻胡氏張掖人年二十三夫亡撫孤發阡成立守節終身

任某妻張氏張掖人夫亡服藥自盡時年二十四

于方禮妻趙氏張掖人夫亡撫孤成立守節終身

張廷文妻蔣氏張掖人夫亡撫孤成立守節終身

李登甲妻周氏張掖人夫亡撫孤成立守節終身

韓士琦妻李氏張掖人年二十夫亡撫孤成立守節終身

參將張某妻韓氏張掖人年二十三夫亡撫孤成立守節終身

千總龍生甲妻楊氏張掖人年二十三夫亡家貧氏以鍼黹度日  
上事衰姑曲盡孝養督課二子甚有法度後二子皆成立長沈官  
千總次沛把總氏守志已四十年重膺 封贈人以爲苦節之報  
附同治閒回亂殉難烈婦表

安氏 吳萬才母

右四年十月分

王氏 陳綸媳子女三同殉 陳武氏 佚夫名

梅胡氏 佚夫名 徐氏 苗金生苗浩生之母

右四年十一月分

秦氏 卞成起妻

楊氏 宋繼祖妻

竇氏 宋慶年妻嫂

右五年十一月分

支氏 監生趙大興妻

顧氏 羅永貞妻 王氏 徐位妻

甘肅新通志

卷八十四

人物志 列女九

西

右六年十一月分

王氏 鍾美敬妻

右七年七月分

史氏 劉國讓妻

韓氏 尉明妻

高氏 何天彥妻

右七年十月分

吳氏 陶禮妻同夫殉

白氏 苗萬湧妻

高氏 苗吉遠妻

許氏 苗日文母

任氏 苗日滿妻

姚氏 苗同達妻

白氏 苗日會妻

許氏 闕文炳妻

許氏 闕文益妻

劉氏 闕文多妻

王氏 袁文基妻

闕氏 袁希隆妻

樊氏 袁積妻

方氏 孟善年妻

右八年十月分

張氏 鄭天貞妻

張氏 喬柏妻

何氏 楊興春妻

劉氏 張鶴年妻

楊氏 張玉祥妻

郁氏 楊國明妻

焦氏 成普妻

張氏 成彥龍妻

卞氏張建魁妻

劉氏陳甯妻

陶氏附生王建勳妻

劉氏附生王占熊妻

陳劉氏

盛吳氏

盛邢氏

張石氏

柴王氏以上夫名均未詳

右九年十月分

陳氏張茂生妻與夫同殉 王氏孔榮妻

王氏劉洪英妻

楊氏劉鑑妻

孫氏丁大祿妻

陳四九子處女

唐氏附生楊善鱸妻

白氏施自文妻

普劉氏

蔡鄭氏

汪王氏

汪陳氏

普王氏

汪惠氏

李惠氏

李劉氏

常陳氏

常劉氏

常張氏

聞孫氏

曾李氏

曾張氏

樊高氏

劉鄧氏

宋陳氏

鄧氏

樊陳氏

劉李氏

宋孟氏

宋張氏

劉王氏

汪柴氏

甘肅新通志

卷八十四

人物志 列女九

五

汪張氏

宋李氏

宋韓氏

劉施氏

周徐氏

周朱氏

周郝氏

戴孔氏

戴王氏

戴陳氏

戴松氏

謝金氏

李杜氏

李鄭氏

李金氏

馬李氏

安李氏

刑氏蔣興會祖母

劉氏朱全妻

苗氏朱存妻

劉氏朱英妻

丁氏朱明妻

張氏周兆桐妻

許氏周沛妻

郝氏武生管鳴盛妻

温氏管耀妻

右九年閏十月分

張氏張懷玉妻

石氏趙鳳澤妻

李氏石光瑾妻

王氏張鳳林妻母子五人同殉

鄭氏張鳳存妻

右十年十月分

王氏陳萬筠妻

李氏陳萬卓妻

秦氏陳萬吉妻

王氏陳萬英妻

陳王氏守節夫名未詳張氏許大簡母田氏許庚吉妻李氏許大簡妻

王氏許國士妻張氏許大義妻郝氏許大存妻陳氏許柏林妻

閻氏許桂林妻任氏許大珍妻郝氏陳遷善妻賈氏許大昭妻

王氏朝國傅妻閻氏田峻妻王氏田浩妻楊氏田年妻

三氏田顧年妻趙氏傅鑑妻陶氏李瀛守節妻

右十一年二月分

袁氏鄭琦妻王氏鄭寅年妻郭氏鄭有年妻王氏鄭元妻

張氏鄭天順妻趙氏鄭天學妻鄭張氏鄭學有妻鄭魏氏

鄭孫氏夫名均佚守節張氏趙燕國妻王氏趙學仁妻尹氏馮成祥妻

郭氏馮成禮妻馮氏李聰妻王氏李天申妻張氏李敖妻

賈氏李銅妻王氏張銘妻郭氏李生貴妻龔氏李聰妻

田氏李鈞妻牛氏馬喜妻魏氏張福妻喬氏裴有妻

甘肅新通志 卷八十四 人物志 列女九 共

鄭氏胡萬年妻周氏張萬年妻李氏楊誠妻楊氏權科妻

田氏權長年妻劉氏胡順母楊氏胡昇妻喬氏毛鳳起妻

全氏張德母李氏張德母陳氏李琇妻吳氏雜天祥妻

始氏雜天誠妻楊氏雜琦妻郭氏喬越妻喬氏胡昇母

王氏余兆妻

右年月失考

廩生韓毓秀妻史氏東樂人年二十四夫亡無子孝奉翁姑撫夫

姪為嗣守節四十四年卒

張萬金妻劉氏東樂人年二十六夫亡孝奉翁姑撫孤學儒學禮

成立學禮入武庠守節三十六年卒

劉廷桂妻喬氏東樂人年二十四夫亡撫孤兆第成立入庠守節

終身